

## Exercicio

### Unidade 13. O proceso de transición á democracia, logros e limitacións.

*Baseándote nos catro documentos seguintes realiza unha composición que teña por tema central a evolución política da transición á democracia en España ( 1975-1979). Debes comezar por comentar as circunstancias dos últimos anos do franquismo para entender os aspectos que cambiaron e as dificultades do proceso. Analizar as ideas fundamentais de cada documento e relacionalos coa situación xeral creada. Debe integrar a túa redacción tamén unha valoración sobre o proceso da transición utilizando o documento 4.*

#### Doc. 1.- A Lei para a Reforma Política. 1976

Art. 1. 1) A democracia, no Estado español, baséase na supremacía da lei, expresión da vontade soberana do pobo. Os dereitos fundamentais das persoas son inviolables e vinculan a todos os órganos do Estado. 2) A potestade de elaborar e aprobar as leis reside nas Cortes. O Rei sanciona e promulga as leis.

Art. 2. 1) As Cortes compóñense do Congreso de Deputados e do Senado.

2) Os deputados do Congreso serán elixidos por sufraxio universal, directo e secreto dos españois maiores de idade. 3) Os senadores serán elixidos en representación das entidades territoriais.

Dado en Madrid a 24 de novembro de 1976.

El Presidente de Gobierno Adolfo Suárez González

#### Doc. 2.- Constitución de 1978

Art. 1.1. España constitúese nun Estado social e democrático de Dereito, (...)

Art. 1.2. A soberanía nacional reside no pobo español, do que emanan os poderes do Estado.

Art. 56. O Rei é o xefe do Estado, símbolo da súa unidade e permanencia, arbitra e modera o funcionamento regular das institucións, asume a máis alta representación do Estado Español nas relacións internacionais. A persoa do Rei é inviolable e non está suxeita a responsabilidade.

Art. 2. A Constitución (...) recoñece e garante o dereito á autonomía das nacionalidades e rexións que a integran e a solidariedade entre todas elas.

#### Doc. 3.- Estatuto de Autonomía de Galicia

Art.1.1. Galicia, nacionalidade histórica, constitúese en Comunidade Autónoma para acceder ó seu autogoberno, de conformidade coa Constitución Española e co presente Estatuto, que é a súa norma institucional básica.

Art. 9. Os poderes da Comunidade Autónoma exércense a través do Parlamento, da Xunta e do seu Presidente.

Art. 10. Son funcións do Parlamento de Galicia as seguintes:

a) Exercer a potestade lexislativa da Comunidade Autónoma. (...)

#### Doc. 4.- Opinións dun historiador sobre a Transición

«O ambiguo legado da transición consiste en que a democracia goza entre os españois de máis consistente e elevada lexitimidade que nunca e, á vez, a política sofre o mesmo rexeitamento de sempre. O aire que entón se impediu correr polos espazos da política viciouse ata o punto de volverse, durante os últimos anos, irrespirable. A política española necesita romper os estreitos límites en que a transición por arriba acabou por pechala. Recuperar, non a lexitimidade da democracia, que ninguén discute, senón o prestixio da política é quizais a maior conta que deixaron pendente os anos da transición.»

Santos Juliá, en *Memoria de la Transición*, El País, 1995